



DECRETO DA ALCALDÍA

Expediente 1303/2019 relacionado co 1244/2019

APROBACIÓN, BASES E CONVOCATORIA DA EXCURSIÓN CULTURAL A PERLIM

Visto o acordo de aprobación dos prezos públicos pola Xunta de Goberno Local de data 06/11/2019 e publicación en BOPPO nº 118 de data 13 de novembro de 2019.

En cumprimento das atribucións que me confire a Lei 7/1985, de 2 de abril, reguladora de bases de réxime local e o R.D. 2568/1986, de 28 novembro.

Esta Alcaldía de conformidade coas atribucións do seu cargo, RESOLVE:

Primeiro.- Aprobar a realización da excursión cultural a Perlim.

Segundo.- Aprobar as seguintes bases e a convocatoria polas que se vai a rexir a organización da excursión a Perlim.

BASES E CONVOCATORIA REGULADORAS DA EXCURSIÓN A PERLIM

Base primeira: Obxecto.

O Obxecto desta convocatoria é ofertar a viaxe cultural a Perlim cun máximo de 100 prazas.

Base segunda: Obxectivos

A actividade “excursión a Perlim” consiste na viaxe en autobús Santa María da Feira, onde radica o parque temático, lugar onde xantarán. O parque temático está ambientado no Nadal e consta de atraccións e espectáculos dende as 14:30 horas a 20:00 horas (hora española). A viaxe inclúe o viaxe autobús, xantar, entradas ao parque e seguro de viaxe.

Base terceira:

As persoas destinatarias serán público en xeral, cos seguintes criterios de selección:

- En primeiro lugar asignaranse as prazas por orde de entrada no rexistro do Concello de Pazos de Borbén ás persoas que estén empadroadas no mesmo.
- En segundo lugar asignaranse as prazas por orde de entrada no rexistro do Concello de Pazos de Borbén ás persoas non empadroadas no mesmo.

Base cuarta. Datas e lugar de realización

Realizarase o día 1 de decembro durante todo o día. Saída dende a praza do Concello de Pazos de Borbén ás 10:00 e regreso ao mesmo punto no mesmo día.

Base quinta. Presentación, lugar e prazo das solicitudes.

As solicitudes deberán presentarse no Rexistro do Concello de Pazos de Borbén presencial ou electrónicamente, mediante o modelo de solicitude instancia xeral xunto co xustificante de pago. O Concello de Pazos de Borbén comprobará de oficio o empadroamento das persoas solicitantes.

O prazo de presentación de solicitude comezará o día seguinte ao da publicación do extracto de aprobación dos prezos públicos desta actividade no BOPPO e rematará o 22/11/2019.





O formulario de solicitude (instancia xeral) estará a disposición das persoas solicitantes na web www.pazosdeborben.org , nas oficinas nas oficinas do Concello de Pazos de Borbén e na sede electrónica <https://pazosdeborben.sedelectronica.gal/info.0>.

Base sexta. Relación de persoas admitidas e excluídas.

A relación de persoas admitidas e excluídas (coas causas de exclusión), será publicada na web, na sede electrónica e no taboleiro de anuncios do Concello de Pazos de Borbén a partir do 13/09/2019.

Base sétima. Número de prazas.

O número de prazas son como máximo de 100. Unha vez cuberta a totalidade das prazas establecerase unha lista de reserva en función dos criterios establecidos na base oitava desta convocatoria.

Para realización desta actividade deberá haber como mínimo 45 solicitantes.

Base oitava. Adxudicación das prazas.

O proceso de adxudicación levarase a cabo na seguinte orde:

1º Persoas empadroadas no Concello de Pazos de Borbén, segundo orde de entrada no rexistro.

2º Persoas non empadroadas, segundo orde de entrada no rexistro.

Base novena. Prezo e condicións.

De conformidade co acordo da Xunta de Goberno Local de data 06/11/2019 o prezo da excursión é de 33,00 euros par adultos e 31,00€ para persoas ata 12 anos, que inclúe autobus, xantar, entradas a Perlín e seguro da viaxe.

O pago realizarase na sucursal de ABANCA con nº de conta ES93 2080 5049 6130 4000 6392 facendo constar no concepto o nome da/s persoas solicitantes .

Deberase presentar o xustificante do pagamento da excursión xunto co modelo de solicitude instancia xeral, no rexistro do Concello de Pazos de Borbén.

No suposto de que, por causas alleas os/as solicitantes, se deixase de realizar a actividade, os/as interesados/as poderán pedir o reembolso das cantidades ingresadas en concepto de prezo público.

Cando o/a interesado/a manifeste a súa desestimación a participar na actividade cuxo ingreso fose efectivamente realizado, poderá solicitar a devolución das cantidades ingresadas, mediante escrito dirixido a esta administración, en todo caso, cunha antelación de cinco (5) días naturais a data da excursión.

No suposto que non se alcance un mínimo de 45 persoas a actividade cancelarse e devolverase as cantidade ingresadas en concepto de prezo público previa solicitude da persoa interesada.

Base décima. Prazo de vixencia

As bases que regulan esta actividade terán vixencia ata o remate da actividade.

Mándao e asíno o Sr. Alcalde de Pazos de Borbén,

O DECRETOU O SR. ALCALDE-PRESIDENTE O DÍA DA DATA DA SÚA SINATURA ELECTRÓNICA, DO QUE EU SECRETARIO-INTERVENTOR ACCIDENTAL DESTE CONCELLO, DOU FE, MEDIANTE SINATURA DIXITAL Á MARXE.

